

**JU CENTAR ZA SLUŠNU I GOVORNU REHABILITACIJU SARAJEVO**  
**ASIMA FERHATOVIĆA 2, 71 000 SARAJEVO**

Na osnovu člana 123. Zakona o srednjem obrazovanju („Službene novine Kantona Sarajevo“ broj: 23/17 i 30/19), člana 88. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17 i 30/19), Saglasnosti Ministarstva za odgoj i obrazovanje Kantona Sarajevo broj: 11-30-1316-720/21 od 09.02.2021. godine, člana 7. Pravilnika o radu Centra, člana 177. Pravila Centra i Odluke Školskog odbora Centra o raspisivanju konkursa za popunu upražnjenih radnih mjesta broj: 01-277/21 od 25.02.2021.godine, Centar raspisuje:

**JAVNI KONKURS**

za popunu upražnjenog radnih mjesta u školskoj 2020/2021.godini

**I to:**

1. Individualni rehabilitator surdoaudiolog... 1 izvršilac, 20 časova norme sedmično, na određeno vrijeme od okončanja konkursne procedure do povratka radnice sa bolovanja, a najduže do 31.8.2021.

**Pored općih uslova predviđenih zakonom, kandidati treba da ispunjavaju i sljedeće uslove:**

Diplomirani defektolog-surdoaudiolog ili diplomirani logoped i surdoaudiolog ili diplomirani logoped i audiolog, VSS, VII stepen.

**II Kandidati koji konkurišu na Javni konkurs obavezni su blagovremeno dostaviti sljedeću dokumentaciju:**

- a) Svojeručno potpisana pisana prijava na konkurs s kratkom biografijom, kontakt podacima kandidata, i tačno navedenom dokumentacijom koja se prilaže uz prijavu na konkurs;
- b) Diploma o stečenoj stručnoj spremi ili akademskom zvanju;
- c) Izvod iz matične knjige rođenih;
- d) Uvjerenje o državljanstvu (ne starije od 6 mjeseci), od dana objavljivanja konkursa;
- e) I druge dokaze o ispunjavanju uslova za to radno mjesto utvrđenim Pravilnikom o unutrašnjoj organizaciji i sistematizaciji radnih mjesta;

**III Pored obavezne dokumentacije, kandidati mogu dostaviti i dodatnu dokumentaciju:**

- a) Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko – invalidsko osiguranje sa tačno navedenim podacima;
- b) Potvrdu o ostvarenom radnom stažu kod poslodavca kod kojeg je kandidat radio s tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) Uvjerenje o položenom stručnom ispitu,
- d) Potvrdu o vremenu provedenom na evidenciji Službe za zapošljavanje Kantona Sarajevo ne stariju od tri mjeseca,
- e) Rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) Rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja,

profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

- g) Rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno – oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h) osobe koje imaju status naveden u članu 10. Stav 2. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, obavezni su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- i) Potvrdu o autorstvu/kooautorstvu udžbenika koje izdaje Federalno ministarstvo obrazovanja i nauke na osnovu člana 169. – 170. Zakona o upravnom postupku FBiH (2/98 i 48/99).

#### PREDNOST U ZAPOŠLJAVANJU POD POSEBNIM USLOVIMA:

Prednost pri zapošljanju svih boračkih kategorija ostvaruje se na način da se kandidatu nakon bodovanja po osnovu općih i posebnih kriterija konkursa, nakon provedene kompletne konkursne procedure, uključujući i intervju, na ukupan broj ostvarenih bodova, u zavisnosti od pripadnosti boračkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje određeni postotak istih, a u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20) i Uputom Ministarstva za obrazovanje, nauku i mlade Kantona Sarajevo broj:11/03-30- 44556-1/20 od 17.11.2020.godine. Prednost u zapošljavanju kandidati dokazuju odgovarajućim dokumentima koji su propisani Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Službene novine Kantona Sarajevo“, broj: 37/20), a koje prilažu prilikom prijave na javni oglas, pozivajući se na poseban zakon po kojem ima prednost.

P O P I S DOKUMENTACIJE KOJOM SE DOKAZUJE STATUS KORISNIKA PO OVOJ UREDBI

Redni broj	Pripadnost branilačkoj kategoriji	Naziv dokaza – dokumenta	Organ koji ga izdaje
1.	Član porodice šehida/poginulog umrolog i nestalog branioca	- Uvjerenje o statusu djeteta šehida – poginulog, umrlog i nestalog branioca. -Rješenja o priznatom pravu na porodičnu invalidninu za suprugu šehida -poginulog, umrlog i nestalog branioca i -Uvjerenje o učešću u Oružanim snagama za šehida-poginulog, umrlog i nestalog branioca.	Općinska služba za boračko-invalidsku zaštitu. Grupa za pitanja evidencija iz oblasti vojne obaveze premamjestu prebivališta.
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko- invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani braniooci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) Ratnog vojnog invalida b) Dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida. Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu; c) Grupa za pitanja evidencije iz oblasti vojne obaveze prema mjestu prebivališta.

Osim navedenog, shodno članu 3. stavu (3) Uredbe, kandidat je dužan dostaviti uvjerenje/potvrdu o prebivalištu/boravištu na području Kantona Sarajevo izdatu od nadležnog organa. Kandidat koji ostvaruje pravo na prioritet pri zapošljavanju, shodno članu 5. stav (1) navedene Uredbe, dužan je dostaviti uvjerenje JU „Služba za zapošljavanje Kantona Sarajevo“ da se u momentu podnošenja prijave na javni konkurs nalazi na evidenciji nezaposlenih lica, odnosno uvjerenje da je zaposlen sa nižom stručnom spremom od one koju posjeduje.

Prijava kandidata koji nije dostavio dodatnu dokumentaciju smatrat će se urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu za konkurs može biti kopija uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju odluke o izboru radnika.

Po konačnosti odluke o izboru, a prije potpisivanja ugovora o radu, izabrani kandidat je obavezan dostaviti ljekarsko uvjerenje o zdravstvenoj sposobnosti za rad u obrazovanju, koje nije starije od šest mjeseci.

Kriteriji, procedure, uslovi, način bodovanja i izbor kandidata po ovom Javnom konkursu utvrđeni su Pravilnikom sa kriterijima za prijem zaposlenika u radni odnos u predškolskim ustanovama, osnovnim i srednjim školama kao Javnim ustanovama na području Kantona Sarajevo („Službene novine Kantona Sarajevo“, broj:35/17).

Prijavu na Javni konkurs s traženom dokumentacijom potrebno je dostaviti u zatvorenoj koverti lično na protokol Centra od 9:00 do 13:00 ili putem pošte na adresu: **JU Centar za slušnu i govornu rehabilitaciju Sarajevo, Asima Ferhatovića br. 2, 71 000 Sarajevo**, s naznakom na koverti **“Prijava na Javni konkurs i naziv radnog mjesta“**.

Nepotpuna obavezna dokumentacija i neblagovremene prijave neće se razmatrati.

Konkurs ostaje otvoren 8 dana od dana objavljivanja. Dokumentacija kandidata koji nisu izabrani vraća se samo na lični zahtjev putem protokola Centra u roku od 30 dana.